

Communicaziun a las medias dals 31 da matg 2024

Puspè in rating excellent da Standard & Poor's per la BCG

La Banca Chantunala Grischuna ha danovamain survegnì da l'agentura da rating Standard & Poor's la valitaziun excellenta «AA». A quest rating han contribuì tranter auter la fitg ferma chapitalisaziun da la banca e la qualidad da ses portfolio da credits.

Ils analists da Standard & Poor's partan dal fatg che la BCG vegn a mantegnair vinavant ses model da fatschenta ed ad extender anc pli fitg sia fatschenta d'administraziun da la facultad per diversifitgar ses retgavs. Il rapport da l'agentura accentuescha ultra da quai che la BCG è activa surtut en il chantun Grischun che represchenta passa 70 pertschient da l'excellent portfolio ipotecar. Ultra da quai rinforzan las participaziuns la posiziun da la BCG sco furnitura da soluziuns d'investiziun e da servetschs da cussegliaziun professionals.

Daniel Fust, CEO da la BCG, sa legra da la valitaziun excellenta: «Il rating conferma la strategia da success che nus persequitain dapi onns. Il Grischun è e resta noss martgà principal, las participaziuns e la fatschenta ordaifer il chantun gidan a consolidar noss retgavs. Ultra da quai rinforzan ellas noss posiziunament sco banca d'investiziuns e nossas plazzas da lavur en il Grischun.»

Las perspectivas da Standard & Poor's concernent il svilup da la BCG restan stabilas. L'agentura da rating accentuescha l'organisaziun robusta da la banca, sia auta dotaziun da chapital e la garanzia entras il chantun Grischun.

Ulteriuras infurmaziuns sin gkb.ch/ratings.

Contact:

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, chascha postale, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principal a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara.

La BCG dispona da participaziuns da maiortad a la Banca privata Bellerive AG, a l'Albin Kistler AG ed a la BZ Bank Aktiengesellschaft. Il scrit da participaziun BCG è quotà a la bursa dapi il 1985.

Termins:

Rendaquint semestrial 2024:

25 da fanadur 2024